



# MILLIY TIKLANISH

28 (245) ● 2013 йил 24 июль, чоршанба ● Ўзбекистон "Миллий тикланиш" демократик партиясининг ижтимоий-сиёсий газетаси

ЎзМТДП — www.mt.uz Таҳририят — www.milliytiklanish.uz

2008 йил 30 октябрдан чиқа бошлаган

Жамиятда аёлларни ҳар жиҳатдан қўллаб-қувватлаш, сиёсий фаолигини ошириш, интеллектуал салоҳиятини юксалтириш борасида ЎзМТДП ҳам дастурий мақсад ва вазифаларидан келиб чиққан ҳолда фаол иштирок этмоқда



«Бурчмулла» болалар ёзги оромгоҳида болаларнинг мароқли ҳордиқ чиқариб, саломатлигини тиклаши, таътилни унутилмас таассуротлар билан ўтказиши учун барча шароит муҳайё этилган



Ўзбекистон Миллий боғига ўрнатилган улуг шоир Алишер Навоий ҳайкали улғуворлиги, маҳобатлиги ва миллий бадий ечимга эғалиги билан ажралиб туради



2 СИЁСАТ

**Хабарлар**

**Гўзаллик оламида**

Ўзбекистон Бадиий академияси Камолиддин Бехзод мемориал боғ-музейида "Гўзаллик оламида" деб номланган кўргазма очилди.

Кўргазмада Ўзбекистон халқ устаси, заргар Фасихиддин Дадамўхамедов томонидан яратилган заргарлик, безакли-декорацция намуналари намойиш этилмоқда. Давлатимиз раҳбарининг 2010 йил 30 мартда қабул қилинган "Халқ бадиий хунармандчилиги ва амалий санъатининг ривожлантириши янада қўллаб-қувватлаш тўғрисида"ги фармони хунарманд-усталар меҳнатини рағбатлантиришда муҳим аҳамият касб этмоқда. Ф.Дадамўхамедов халқ амалий-безак санъатининг заргарлик йўналишида узоқ йиллардан буён самарали меҳнат қилиб келмоқда. Уста томонидан яратилган зеб-зийнат ва безаклар кўплаб халқаро кўргазмалар, ярмаркаларда намойиш этилган.

**Ватан маҳалладан бошланади**

Наманган шаҳрида "Қадр-қимматим, таянчим ва ифтихоримсан, мустақил Ўзбекистон!" шиори остида "Маҳалладан бошланур Ватан" мавзусида маданий-маърифий тадбир бўлиб ўтди.

Тадбирда шаҳардаги "Ёр-ёр", "Қалдирғоч" халқ фольклор-этнографик ансамбллари, "Ниҳол" рақс дастасининг концерт дастурлари, Шаршара маҳалласи ёшларининг адабий чиқишлари, "Назокат" хотин-қизлар клубининг тўй ва маросимларни ўтказишдаги дабда-базозлик, ҳайит йўқловлари каби иллатларни акс эттирган саҳна кўринишлари намойиш этилди. Ва бу борада бошқаларга ибрат бўлаётган намунали оилалар тажрибалари тарғиб қилинди.

**Фуқаролик жамияти ва ОАВ**

Фарғона шаҳрида "Оммавий ахборот воситалари фаолияти самарадорлиги фуқаролик жамияти шаклланишининг муҳим омили" мавзусида давра суҳбати ўтказилди.

Давра суҳбатида Президентимиз Ислам Каримов раҳнамолигида сўз ва ахборот эркинлигини таъминлаш, оммавий ахборот воситаларининг самарали фаолият кўрсатиши учун зарур шароит ва имкониятларни яратишга алоҳида эътибор қаратилаётгани таъкидланди. Анжуманда мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида белгилаб берилган вазифалар асосида ахборот соҳасини босқичма-босқич ислоҳ этиш борасида амалга оширилаётган ишлар муҳокама этилди. Фуқаролик жамиятини шакллантиришда оммавий ахборот воситаларининг роли ва ўрнини кучайтириш масалалари юзасидан мутахассисларнинг фикр-мулоҳазалари тингланди.

6 ЖАРАЁН

**Фракция ҳаёти**



**Қонун лойиҳалари муҳокама қилинди**

унда электорат манфаатларини ҳимоя қилишнинг ҳуқуқий асосларига алоҳида эътибор қаратилди

*Ўзбекистон «Миллий тикланиш» демократик партиясининг Олий Мажлис Қонунчилик палатасидаги фракцияси йиғилишида қуйи палата муҳокамасига киритилмаётган бир қатор қонунлар лойиҳалари муҳокама қилинди. Унда фракция аъзолари, вазирлик ва идоралар мутасаддилари, ҳуқуқшунослар, экспертлар ҳамда оммавий ахборот воситалари вакиллари иштирок этди.*

Йиғилишни фракция раҳбари У.Мухаммадиев олиб борди. Депутатлар дастлаб «Аҳолини иш билан таъминлаш тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги қонун лойиҳасини муҳокама қилишди. Мазкур лойиҳанинг асосий мақсади аҳоли бандлигини таъминлаш ва тартибга солишнинг ҳуқуқий асосларини, бандлик соҳаси-

даги халқаро андозалар ва меъёрларни ҳисобга олган ҳолда такомиллаштиришдан иборат. Ушбу масала юзасидан сўзга чиққан фракция аъзолари мазкур қонуннинг қабул қилиниши ёш авлодни ҳар томонлама қўллаб-қувватлаш, уларнинг ҳаётда муносиб ўрин топишлари учун зарур ҳуқуқий ва самарали механизмларни кучайтириш борасидаги сайёҳаракатларга қўмаклашиш сингари Ўзбе-

кисдон «Миллий тикланиш» демократик партиясининг сайловолди Платформасида белгиланган устувор вазифалар ижросини таъминлашда ҳуқуқий асос бўлишини таъкидладилар. Йиғилишда «Ўзбекистон Республикасининг Меҳнат кодексига ўзгартиш ва қўшимчалар киритиш тўғрисида»ги қонун лойиҳаси кўриб чиқилди. Ушбу ҳуқуқий ҳужжат Ўзбекистон Республикаси меҳнат қонунчилигини такомиллаштириш, тадбиркорлик фаолиятини амалга ошириш учун қулай шарт-шароит яратиш, меҳнат муносабатлари соҳасидаги ҳуқуқий кафолатларни янада кучайтириш мақсадида ишлаб чиқилган.

2-бет

**Экспертлар гуруҳи**

**Мафкуравий ва маънавий-маърифий**

йўналишдаги ишлар самарадорлигини оширишга бағишланди

*Ўзбекистон «Миллий тикланиш» демократик партияси Марказий Кенгаши Ижроия Қўмитаси ҳузуридаги Мафкуравий ва маънавий-маърифий йўналиш бўйича ишчи гуруҳи ва экспертларнинг партия тизимида иш самарадорлигини янада оширишга қаратилган йиғилиши бўлиб ўтди.*

Унда маъруза қилган ЎзМТДП Марказий Кенгаши Ижроия Қўмитаси раиси ўринбосари, ишчи гуруҳ раҳбари Ж.Сафоев партия мафкурасини ҳозирги замон талаблари асосида янада такомиллаштириш ва бойитиш олдимизда турган долзарб вазифа эканлиги, бунда маънавий-маърифий йўналишда ўтказиладиган тадбирлар таъсирчанлигини ошириш ва тарғибнинг янги механизмларини ишлаб чиқиш партия фаолияти самарадорли-

гини оширишда муҳим аҳамият касб этишини таъкидлади. Шунингдек, нотиқ партия мафкура-сини тарғибот қилишда замонавий ахборот коммуникация технологиялари ва мультимедиа воситаларидан кенг фойдаланиш, иштирокчилар билан жонли мулоқотлар ўтказиш, тарғиботнинг ҳар хил усулларини қўллаш зарур эканлигини ҳам долзарб вазифа сифатида эътироф этди. Йиғилишда сўзга чиққан Миллий ғоя ва мафкура ил-

лий-амалий маркази раҳбари, ишчи гуруҳ аъзоси М.Куронов: — Бугунги кунда партия мафкураси ҳам тобора шаклланиб, ривожланиб бормоқда, - деди. — Шундан келиб чиқиб, бугун партия мафкураси таъсирчанлигини ошириш, тарғибот ва ташвиқот ишларини замон талабларига мос ҳолатда олиб боришимиз зарур. Бунинг учун уни илмий бойитиш билан чеклашиб қолмасдан мафкуравий тарғибот-ташвиқот ишларини халқ, жамият ёки алоҳида шахс тақдирини билан боғлаш керак. Одамларга осон етиб борадиган тарғибот усулларини танлаш лозим. Йиғилишда сўзга чиққан ЎзМТДП Марказий Кенгаши Ижроия Қўмитаси аъзоси А.Маматов партия фаолияти самарадор-

Ўз мухбиримиз

8 КЎЗГУ

**Муносабат**

**ҒАЛЛАКОРЛАРИМИЗ МУВАФФАҚИЯТИ**

обод турмуш гарови

*Бугунги кунда мамлакатимизда қишлоқ хўжалигининг барча тармоқларида ижобий ўзгаришлар рўй бермоқда, шу жумладан, ғаллачиликда салмоқли ютуқлар қўлга киритилишининг гувоҳи бўлмоқдамиз. Жорий йил ғаллачилик ҳам бундан мустасно бўлмади. Яъни бу йил мамлакатимиз ғаллакорлари томонидан 7 миллион 610 минг тонналик улкан ғалла хирмони бунёд этилди. Албатта, бу ютуқлар ўз-ўзидан эмас, балки улкан заковат, қатъиятлик, тинимсиз ва заҳматли меҳнат орқали қўлга киритилмоқда. Президентимизнинг Республикамиз ғаллакорларига йўлаган табриги кечани кеча, кундузни кундуз демей меҳнат қилган ғаллакор фермерларни, деҳқону сувчиларни, механизаторларни, қўйингчи соҳада меҳнат қилаётган барчани бирдек рўҳлантирди.*

Таъкидлаш жоизки, давлатимиз раҳбари ташаббуси ва раҳнамолигида истиқлолнинг дастлабки йиллариданоқ юртимизда ғалла ва озиқ-овқат экинлари етиштиришга қаратилган алоҳида эътибор ғалла етиштириш ҳажмини кўпайтириш ва аҳоли фаровонлигини таъминлаш имконини бераётди. Муҳтарам Президентимиз таъкидлаганларидек: "Мустақилликнинг дастлабки йилларидан бошлаб бизнинг бугунги кунда дунё ҳамжамияти томонидан эътироф этилган, ривожланишининг "ўзбек модели" деб ном олган тараққиёт йўлини, демократлаштириш ва янгилашни йўлини танлаганимиз, халқимизнинг ҳаёт даражаси ва сифатини юксалтириш мақса-

дида чуқур ўйланган, кенг кўламли ислохот ва ўзгаришларни аввало иқтисодийнинг етакчи тармоғи бўлмиш қишлоқ хўжалигидан бошлаганимиз мана шундай ютуқларимизнинг негизини ташкил этмоқда". Алоҳида эътироф этиш жоизки, аграр соҳада эришилаётган ютуқларнинг замирида уруғчилик ва селекция ишлари, ерларнинг мелиоратив ҳолатини яхшилаш, уруғ ва навларни районлаштириш, соҳага инновацион агротехник тадбирларни жорий этиб бориш борасида амалга оширилаётган сайёҳаракатлар муҳим аҳамият касб этмоқда.

2-бет

**Янги рукн**

**Депутатга савол беринг**

ЎзМТДП Марказий Кенгаши веб-сайти [www.mt.uz](http://www.mt.uz) да янги рукн ташкил этилди. "Депутатга савол беринг" деб номланган мазкур рукн орқали партиямиздан Олий Мажлис Қонунчилик палатасига сайланган депутатлар билан онлайн мулоқот қилиш имконияти мавжуд. Яъни мазкур блог орқали ўзингиз овоз берган ва сайлаган депутатга савол беришингиз ва турли масалалар юзасидан таклифлар билан мурожаат қилишингиз мумкин.

ЎзМТДП Марказий Кенгаши Ижроия Қўмитаси













